

野史

五十九

第一百六十三卷 武臣列傳
 土屋昌忠
 第一百六十四卷 武臣列傳
 諏訪頼重 平岡頼勝
 第一百六十五卷 武臣列傳
 最上義光

和書門類	一〇三五六	函	二四	架	九	冊	一〇〇
------	-------	---	----	---	---	---	-----

內閣文庫	
番號	和 10356
冊數	100(59)
函號	269 35

內閣文庫	
和書類	一〇三五六
冊	一〇〇
函	二四
架	九
冊	一〇〇



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





共百
和三年三月九十二號

校正

野史卷一百六十三



飯田忠彦
修
竹中邦香
校



臣列傳第七十
土屋昌忠

秋山信本

野史卷一百六十三
野史
卷一百六十三
深之後。公深八世藤次。屬武田氏。改一色為秋山。後
繼金丸光重之家。按土屋家譜。作藤次。又藤次生
自繼金丸氏。今從譜。翰譜。藤次生
虎嗣。虎嗣生虎義。虎義稱筑前守。仕信玄。信玄選勇

斐國志所引。甲斐人也。姓源氏。宮内卿法印一色公
景徳院舊碑。

諸書作名昌恒。一本土
屋系圖作昌健。今從甲

士十二人。爲使番。虎義在其員中。藩翰虎義有多子。長子昌直。字平三郎。永祿三年。爲藤谷彥助所殺。土屋家譜、次昌次。諸書作直村。或清綱。今從國系圖、大泉寺碑文。字平八郎。從川中島之役。有功。軍散時。不去信玄之傍。信玄賞其志。後命稱族土屋。土屋氏平姓。此時定以金丸氏爲適子之稱。餘子稱土屋氏。爲家例。金丸系圖、國志。擢爲士隊長。甲陽軍鑑、國志。永祿十三年。更加隊騎百人。號信州七隊。改稱右衛門尉。藩翰譜、國志。

○按。土屋家譜。藩翰譜並云。永祿四年。改族稱。然據永祿十年八月七日書。金丸平八郎。則改族若

在永祿十一年之後也。

味方原之役。與鳥居忠廣戰。得其首。因是後。以鳥居爲旗標。藩翰譜。長篠之戰。勝賴弗用老臣之議。昌次歎曰。武田氏不祀。率部下百騎。攻信長營。先馳毀柵而進。中銃斃。年三十二。藩翰譜、國志。次昌詮。爲秋山信友養子。稱左衛門佐。次昌義。或作元。字助六郎。繼兄後。稱族金丸。從勝賴于天目山戰死。子昌春。稱土屋氏。字左馬助。仕淨光公子秀康。爲大野前城代。食邑三萬五千石。慶長十二年。殉死。系圖、秀康行狀記。次則昌忠。昌忠永祿十三年。爲駿河國人士屋備前養子。系圖、家譜。

○藩翰譜云。昌次戰死之後。勝賴命昌忠。稱土屋氏。

長篠之敗。昌忠獨攬勝賴轡。且戰且退。初鹿野正備亦後至。俱遁歸國。勝賴賞其志。令併食于昌次秩祿。領兩部兵。國今從志天正十年。右府信長大舉入甲斐。武田氏親戚離散。忠臣脫走。勝賴逃入天目山。敵兵四塞。進退惟谷。躊躇河崖。跡部尾張守遁走。昌忠忽恚。大呼曰。怯奚哉。尾張今逮君危急。欲何之乎。乃抽中差箭。射貫尾張胷。殪之。而招勝賴曰。臣請射敵。宜自戰。乃解其箠。縱射。一無虛發。殪尸成阜。昌義暨原虎

常兄弟。刺婦女子而自殺。勝賴信勝把刀斬敵。昌忠箭盡。揮眉尖刀當敵。敵六人叢殞。昌忠遂斃。勝賴憐之。親自進斬六人。軀被槍創三處。父子俱戰死。昌忠時歲二十七。系圖藩翰譜國志

○野史氏曰。信玄智力過絕。咆哮猖獗。育士講武。二紀。戮人關土。猶且謂不足。欲并吞四海。然身死骨煖。而至覆滅者。何矣哉。頃歲。武田氏屬下。誇恩憑武。强者挽弓逆戰。反弱者挈孥奔費去。實天正十年三月十一日。殉國者。士婦僧童。僅四十四人。為隊長。不懷異圖者。時昌忠兄弟二人。暴屍於天

目山頭遺名於萬世載籍嗚呼忠哉

次正猶勝或重字宗八郎初屬武田氏守清水城後仕

東照宮子孫仕幕府家譜季景氏字源三族稱秋山與

昌忠戰死于天目山年十七家譜昌忠子忠直

忠直小字平八郎中興盛衰記作宗藏土屋家譜作

壬午役生僅二歲母岡部氏丹波守懷之與家人清

水神戶等奔駿河賴岡部直規託孤於清見寺藩國

史天正十六年藩國譜作正月逸史國志十二月東照宮蒐

于中泉過清見寺兒出奉茗訊僧對曰兒甲人士屋

孤竦其為長為僧欲令吊父祖冥福宮曰英雄種余

得為臣矣乃載還世子出迎宮在輿謂曰求汝護身
刀久矣今日得焉執手屬之顧謂茶局曰能撫育焉

藩國志

○松平物語曰武田氏滅而後一婦懷五歲兒來

憑大久保忠世又有婦携二歲兒倚賴大河內政

綱乞救二歲兒乃忠直云

稍長台德公賜諱字十九年十月賜相摸田一千石

家譜藩 庚子亂從山道是年十二月叙從五位下稱

民部少輔武家補慶長七年加食邑賜久留里上田

二萬石家譜十七年四月卒年三十一國志盛衰記

○藩國志

譜並作法名琴窓淨間。號圓覺寺。考號初母岡部氏。弱而寡。家人議再醮。松平康親老岡田元次。產男。是為內記元勝。實忠直異父弟也。東照宮嘗識元次有功。使元勝給事幕府。諭忠直授土屋氏。忠直固辭曰。臣得給事。實因氏族故也。自幼侍君側。未識渠心服。渠雖有母氏血脈。以家先族私屬。彼臣所不欲。請辭焉。是以殊命雲光院二位局養之。是為神尾元勝。譜有三子。利直。數直。之直。之直後稱兵部少輔。殊賜采邑。利直甫六歲。繼父遺領叙爵。稱民部少輔。延寶三年卒。子賴直嗣。叙爵。稱伊豫守。譜初利直快

快曰。覆宗者我子也。竢適孫為長。欲立以為嗣。不果而卒。室老藤原明綱為外戚。竊謀廢主。就新井正濟咨諏。正濟曰。適子春秋富矣。未聞兇暴露布天下。宗族恐不從。卿嘗為之相。願扶翼何如耳。事畧敗。賴直奮怒。獲罪者多。誅戮日甚。人皆危懼。遂相共謀。幽之一室。乃請幕府立嗣。新井家譜延寶七年八月。坐狂悖背律。邑除。殊賜遠江田三千石於賴直子達直。子孫仕幕府。

數直。本名定直。小字辰之助。元和二年。仕大猷公。譜大坂。初賜食俸五百苞。為膳番。譜今從家譜。歷

諸署爲老中。稱大和。但馬等守。叙從四位下。任侍從。賜土浦城常陸邑四萬五千石。補任、滿、翰譜、有度量。錄、舊、章、初祿微時。坐事幽居。會大猷公朝京師。數直潛行將從。親族制止。不從。終適京師。匿居。一日公召執事。下令且曰。此箇事令數直掌之。衆恠對曰。渠幽居東府。今不從于此。公曰。渠必來從。乃命部索。獲數直於洛東。乃召命。衆稱明智誠實。水魚之交。誑家、手、錄、數直職在老中。有請更鑄金者。歷月不應。匠人數請命。數直曰。金銀七寶第一。和漢皆貴重之。亦以有其位也。請減其位。以求益。匠人私恠也。故不允。頻年黃稍薄。而白益

加。我嘗所歎。今亦聽之。則滋損金位。傳醜于天下矣。竟不允。武田信英爲番頭。數直每歲首。必享信英於私第。當期日。夙發使者出候門。到則躬自送迎。饗待甚謹。踈踏不廢。家先君臣之禮。子政直繼父。又能盡敬禮。野、手、錄、武、燭、談、延寶七年卒。年七十三。子政直嗣。政直叙爵。稱能登守。改相摸守。滿、翰、譜、家、系、初年弱時。父數直令政直給事左右。恰如家人。是以能達下情。多能有識量。燭、手、錄、爲寺社奉行。天龍寺與相國寺。訟獄不決。政直問天龍寺僧曰。爲浮屠氏。訟獄者。釋迦遺訓矣耶。僧默止。少焉曰。至理也。願罷獄。乃請拆裂訴

書去。明日到邸。請見曰。衲子甚愧君之言。請寺社奉行之爲職也。何以爲職。政直熟思迴。起坐。執僧手曰。我過矣。我過矣。机。貞享初。爲大坂城代。加賜采邑。明年。轉京師所司代。叙從四位下。任侍從。家譜續。一日。候宮闕。節會故事。所司代在子床下。不得觀堂上公事。男女混交于簾中。夜陰故不能明視。政直嘗銜之。進坐殿廊。透視簾內。毫不可隱蔽。醜聲忽止。手錄。貞享四年。爲老中。嘗嗜射御。劍槍。稱好武者。時召試技業。擇善一技者。使子照直就學焉。手錄。逮有德公嗣立。謂政直曰。汝從常憲公而來。居職無過。忠貞超羣。

諫爭盡心。元祿季年。淺野內匠賜死。汝以爲過於律矣。諫爭弗聽。可謂不幸也。爾後多年。聊莫紕謬。齡自高。特賜杖於營中。且聽巾。當寒烈。則雖見孤。莫敢脫。親自賜紫縐紗巾。及割鳩杖。手錄。累加賜采邑。領九萬五千石。治土浦城。享保四年老。七年冬卒。年八十二。子照直。定直。并先卒。陳直襲封。子孫世侯。

秋山信友。諸書多作名晴親。又晴近。姓源氏。武田支族。今從秋山夫人碑陰銘。。秋山光朝後裔。新左衛門信任子也。國志。稱伯耆守。屬武田氏。國志。天文十五年。晴信入道信玄。擢信友爲士隊長。明年。信玄伐伊東郡。使信友鎮平侵地。弘

治二年。伊奈郡悉平。信友居高遠城。附屬土豪二百五十騎。而後勝賴徙高遠。信友鎮飯田城。當是時。山縣昌景據駿州山。而與信友俱侵畧參遠尾濃之地。甲陽軍鑑。元龜元年十二月。率兵二千。侵掠郡邑。與濃參兵戰于美濃上村。克之。拔明智城。獲遠山入道宗叔父子。及首級四百八十餘。以遣甲府。折野。御原等不能拒。皆卻去。山記。遠味方原軍敗。信玄問曰。汝今日逐敵。奚為過法乎。對曰。有敵騎驪。腰挾麾。屢返鬪者。軍裝甚整。臣以謂德川氏矣。故然。碎玉話。天正元年二月。信玄伐美濃。薄岩村城。織田信長帥師一萬赴救。

親自為參騎。馬場信春率兵八百挑之。信長不戰而去。追北。獲首二十七級。信友等攻岩村。殆急。初遠山景任娶信長姑。無子。後養長子勝長為嗣。去年冬。景任死。勝長尚幼稚。故婺婦與家人守城。據險不拔。信友遣使謂曰。我嘗為鰥。願配偶婦人。戮力撫育幼兒。以保門冑。婺氏許諾。信友入城。醮婺婦。執勝長。送甲府。推稱織田氏納質。信長恚甚。遠山記。近郡多屬信玄。信玄悅。令大島為元。座光寺貞房等兵二百五十。為之援。信長慮急不可拔。遣人乞成。不肯。信長命構壘於十八所。固備禁戰。國志。遠山記。二年二月。勝賴率師

入美濃。拔苗木。神篋。武節。今見等十餘寨。薄明智寨。遠山與助固禦。信長爲之後援。陣鶴田。山縣昌景以騎兵六千。繞鶴田山。迨擊之。信長圍師。昌景追尾數至。明智寨遂陷。進攻飯碓城。擒主將津田信次。凱旋。軍繼。遠三年。長篠敗而後。國勢始衰。信忠督師數萬來圍。信友率兵二千。據險拒禦。毛利秀賴。河尻鎮吉等陣水晶山。薄壁。城中糧乏。勝賴聞。急率師抵伊奈。察叵敵。託積雪迷路。旋兵而罷。歷月救援不至。糧食殆竭。兵力衰耗。信友欲衝圍而走。夜出斫敵營。秀賴鎮吉等未察地理。禦戰不利。森長一不破道貞力戰。

得首三十六。爾後城中益困。金山記、服部某夜招城兵。誑諭曰。信友部下龜井善六。嘗通信友室氏。信友不知。主不明。臣不義。衆彈指焉。善六危懼。信友亦恠疑。善六遂犯敵營死。部下莫出其右者。是以勢日撓。十二月。信長記、信友憑家本小大膽。請赦衆死。則信友及爲元。貞房致城而去。信長謂信友悖義。執幼子。送甲府。罪不容死。佯諾曰。信友正爲我姑夫。不忍加戮。三人終致城而去。信忠伏兵。要之於路。悉捕磔殺之於長良川。遠山記、信友臨死誓曰。我與信長爲姻族。殘忍何爲如斯。切齒又曰。可觀彼之終也。乃

暝。尋信長入法華寺傳饜。姑氏著彩服。以錦囊覆一茶器。來謂曰。貽名器於信長。信長怒。投茶器於石。碎裂之。抽刀手殺姑氏。極其慘。落穂集岩村兵士忿。相共謀。與甲信兵。要信忠及秀賴等與戰。或據城禦戰。長一麾。衆薄之。兵稍遁走。留禦者七隊兵。二三百。敵兵乘機而登踰壁。禦者或走。或自刎。城遂陷。勝賴發援不及而罷。遠山記、金山記

野史卷一百六十三終

野史卷一百六十四

飯田忠彦 修
男 文彦 訓點
竹中邦香 校

武臣列傳第七十二

諏訪賴重

平岡賴勝

諏訪重賴。甲陽軍鑑作賴茂、今從諏訪系圖信濃諏訪人也。其先神

八井耳命孫。建五百建命。賜科野國墜。舊章錄其後有

兄弟三人。長居諏訪。次居有賀。季居真志野。因各爲

氏。諏訪氏置大祝。有賀氏置大市。謂之神家。世相襲。

或以滿為名字。甲斐國志或以金耕為氏。系圖其後依田為實六世盛重入道蓮佛。願領諏訪郡。自稱大祝。改族諏訪。屬鎌倉。因改為源氏。國志盛重十三世政滿嗣。稱信濃守。諏訪大祝高家欲滅政滿。奪采地。文明十五年正月。諏訪家譜作弘治中。今從系圖招政滿。置酒張宴。乘醉刺殺之。奪食邑。政滿子賴滿。生僅二歲。家人潛育之。及稍長。起兵。與大祝戰。數年。遂復本領。稱安藝守。系圖賴滿有二子。長賴隆。次滿隣。賴隆嗣。稱刑部大輔。是為賴重父。賴重嗣。稱刑部大輔。安藝守。與武田信玄爭境數年。信玄將欺殺賴重。屢請會盟。不聽。

以其妹妻賴重。而產子。更招之。天文十一年六月。賴重適甲府。板垣信方擒之。七月。遂自殺。系圖國史實錄。○甲陽軍鑑。國史實錄。并作天文十三年二月。系圖。及甲斐國志作十一年六月。或四月。今據國志。引一蓮寺過去帳。

家人胥議。推支族蓮甫為部將。據險起兵。十四年二月。信方率兵來攻。殺蓮甫。餘眾潰散。實錄賴重娶武田氏。生一男子。男子自幼懷復讐之志。一日伺信玄午睡。抽劍將進刺之。信玄驚寤。誠為僧。名長笈。居一條寺院。後長笈欲依今川義元。達素懷。竊走駿府。過甲



州。河內甲兵物色捕之。想信玄。信玄遂殺焉。系圖。賴重
 又有女。容貌殊麗。時十四歲。信玄欲納以為妾。信方
 等諫。特山本晴幸曰。君威赫赫。取為妾。則諏訪遺臣。
 相悅以為。嫉譽男。立諏訪遺跡。功勞亦不疏矣。遂定
 納之。後產一男。是為勝賴。擬為諏訪名跡云。軍繼。滿隣
 字新二郎。剃髮號竺溪。有三子。賴豐。賴忠。賴清。賴豐
 稱越中守。有力量。仕信玄。為使番。信州尾臺之戰。生
 抽人首。膏腦如百絲。提歸陣營。國志。壬午春正月。從勝
 賴。攻木曾城。二月。戰于鳥居嶺。軍敗死之。系圖。賴清。系圖
 長。賴稱莊右衛門。壬午春。據高遠城。信忠圍攻。賴清

捍禦。妻某氏雄偉。帶緋縮甲。把眉尖刀。與婢數人。突
 出勵戰。軍繼。及城陷。夫妻俱死之。系圖
 賴忠。初字小太郎。壬午夏六月。召募故舊。舉兵復本
 領。保高島城。侵略近邑。逮大久保忠世入信濃。遣使
 招賴忠。賴忠赴屬焉。酒井忠次亦以東照宮下文。招
 納國人。賴忠恚曰。我既歸德川殿。奚隸忠次矣乎。據
 城禦備。七月。發兵侵松平家信陣。或掠略郡邑。會伏
 傷士卒。尋國人亦往往畔離。忠次復受命遣折井次
 昌。權田織部等。招土豪。賴忠對使者。致禮約降。遣千
 野清房。澤房里。赴行營。執降禮。東照宮嘉有禮。賜物

於使者。御年譜、天正十一年三月。賴忠携子賴永。適濱松。見東照宮。復食邑。以信濃未平。故父子賜暇。就國。御年譜、改稱安藝守。未詳、小牧之戰。與菅沼定利。守妻籠城。十三年閏八月。與遠兵。攻二田城。不克。賴定率部下。與真田昌幸戰。御年譜、十八年。征伐小田原。是秋轉采邑。賜奈良。梨蛙川。武藏、地一萬二千石。文祿元年。遷總社。在上總、三年老。或作二年、慶長十一年卒。年七十一。圖、子賴永繼父。庚子亂。從山道。慶長六年。賜舊邑高島二萬五千石。尋叙從五位下。稱因幡守。從大坂冬夏軍。系圖、獲首四級。大坂陣、元和

四年。加賜筑摩郡田五千石。賴永六世忠厚嗣。稱安藝守。天明元年。叙任。子忠肅襲封。叙爵。稱伊勢守。續譜、天明三年。忠肅年甫十七。長臣諏訪圖書。及子大助專恣家事。竊謀廢立。或黨與之。老臣千野兵庫。往年諫忠肅。忤意幽居。逆黨胥議。欲託于命。令兵庫自盡。平山金兵衛傳聞。與千野十兵衛謀。告之兵庫。兵庫夜發。往東府。憇之老中某氏。某氏達府廳。下命。檢覈論罪。圖書。大助并賜死。其徒渡邊助右衛門等處罪。放黜有差。草、忠肅後改。因幡守。子孫世侯。平岡賴勝。藩翰譜、中興盛衰記、并攝津溝杭人也。姓

源氏。

○藩翰譜云。平岡氏者。伊豫河野一老也。河野通直爲毛利元就孫女婿。與長曾我部元親屢戰。終敗。屬元親。大閤秀吉憎通直懦弱。除國。封小早川隆景于伊豫。平岡氏仕之。姓藤原氏云。

出自美濃源氏。下野守賴資。賴資十二世資光。居河內平岡。因以爲族。弟資元居溝杭。資元七世賴俊。稱對馬守。繼父。領溝杭七邑三千貫。年二十六。失采邑。爲浮浪。後屬小早川秀秋。是爲賴勝父。家譜。賴勝仕秀秋。更稱族平岡。改石見守。有智量。佐秀秋。食邑三萬

石。娶黑田如水姪。逮庚子亂起。三成使人來求質。賴勝送女子爲質。與黑田長政通謀。欲臨危致忠於東照宮。是秋。從秀秋。陣松尾山。豫計去就。諫秀秋曰。請遣使送款於東師。秀秋曰。善。乃遣賴勝士二人於行營。啓秀秋反心。九月。東師至美濃。促質。賴勝遣弟資重爲質。關原之戰。大谷吉隆陣于丸山址。迨接戰。賴勝列先鋒。擬擊東師。轉兵突吉隆陣。勵戰。吉隆軍敗。遂自殺。軍散。秀秋見東照宮。宮召賴勝曰。今日之功。偏賴秀秋之力也。尋攻佐和山。拔之。秀秋受封於備前美作。割兒島田二萬石。予賴勝。踰年。秀秋薨。賴勝

失食邑。家譜作遭讒去國今山岡景友謂曰。卿如御
 笠。經歷諸州。何跼蹐之有。慶長十年。見東照宮于伏
 見。召賜美濃德野田壹萬石。家譜盛十二年二月卒。
 年四十七。法名心月宗安。號高善院。家譜子重常。或
 重勝。嗣叙爵。稱石見守。從大坂戰。得首三十三級。藩翰承
 應三年七月卒。坐請廢嫡立庶。且狂疾。沒收食邑。殊
 賜邑二千石於子賴重。藩翰譜賴重字市十郎。無子。
 養有馬康純三男。賴恒為嗣。子孫相傳。仕幕府。家譜
譜盛衰記、
 野史卷一百六十四終

野史卷一百六十五

飯田忠彥 修
 男 文彥 訓點
 竹中邦香 校

武臣列傳第七十三

最上義光

最上義光。姓源氏。足利氏族也。尾張守泰氏五世。家
 兼第二子兼賴。任修理大夫。補出羽按察使。延文元
 年八月。就國。始入最上郡山形城。後世因稱族最上。
最上家譜兼賴十世。或作義守。稱修理大夫。是為義
藩翰譜光父。家譜最上家傳。義光小字二郎太郎。家傳軀長超。叡。甫五



六歲。與他十二三歲同。迄成童。善搖巨石。與羽永永祿四年夏。歲十六。從父浴于高湯。或作昌湯溫泉有賊數十人。夜縱火襲旅寓。從者防禦。義光亦把刀直進。躬自斬賊酋。傷二賊。賊懼卻走。義守悅曰。子雖幼。生武林。能守我庭訓。勉勵武技。獲賊酋。不可不賞。乃授累代相傳篠切貞宗刀。義光物語、永慶軍記足利氏季世。羣雄割據。天童城主賴澄。素同宗。且義光婦人者。賴澄妹也。賴澄繼其父賴員。年尚幼。義光預聞其家政。賴澄迄十九歲。學文嗜武。度量超人。義光乃復家事於賴澄。一日義光老志村右兵衛尉。往見賴澄。賴澄曰。可恠

義光。有何所謀乎。築城於平地。又我此城也。後有峻。飛禽絕翅。三面皆平地。下瞰山形。雖衆百萬來圍。不可輒陷矣。右兵衛疑恠。歸報。而後稍生釁。義光謂攻天童。事頗漏。賴澄臣草刈將監募兵。爲之備。延澤信景父子。飯田五郎三郎。東根二郎三郎等。會者五百七十餘人。併土豪。稱三千餘。信景嘗強勇。力能扛鼎。初十八歲。取吉次信高。建立之洪鐘。而歸。銘之曰。信景試力鐘云。永慶軍記義光聞驚。將步騎五千五百。天正五年三月。發山形。親自前門。支族義宗由後門。合喊攻之。不利。設附寨。歷日。信景把鐵棍禦戰。莫能當。



之者。當則碎裂。信景駐馬。占馬勒。偶有一少年。單騎
進。把刀搏信景。八方鐵盔。信景徐點畢。顧問。姓字。答
曰。本間七郎。歲十七云。信景莞爾曰。壯矣哉。感子志
操。吾不敵。乃引去。他日或難七郎。謂螳臂當轅。答曰。
我欲斫彼。腕而不能。義光物語。氏江尾張守諫義光。遣志
村九郎兵衛。謂送義光女。妻信景子。又五郎。且我盟
書贈之。信景應諾。以又五郎為質。未見。使又五郎元
服。改名光信。稱遠江守。永應軍記。而後義光夏日欲試信
景力量。擇壯士七八人。往對捍。一無能敵者。將捕義
光。義光避走。信景追到。自後櫻拉。側有櫻樹。義光擁

樹不搖。信景一搖。遂與樹俱擡舉拔焉。義光物語。東國太平記
尋信景欲攻入楯。募兵於四隣。賴澄忽謂伐信景。草
刈將監。入森安房。苦諫。五月。遂棄城。奔宮城。將監子
孫九郎。時十九歲。與五十騎兵。代賴澄嬰城。次日信
景等合圍。孫九郎力戰而歿。城陷。東根城主二郎三
郎。天童二男也。家人里見源右衛門懷貳。迎入山形
兵于城。而急襲之。城主及士卒皆殲。義光畀東根於
源右衛門。陸奥宮城城主國分盛氏。千葉支族也。領
宮城。黑川。名取三郡。居國分。盛氏妹初適天童賴貞。
而生賴澄。因姻賴澄走宮城。以請伐山形。復城邑。盛

野... 卷一百六十五

氏爲築館於八幡鄉。冥焉。草刈將監亦從之。日夜謀
議最上。置賜邑主小國秀次。谷地邑主白鳥義國。或作
城取家衡。今從永慶。寒河江主葉柴。義光物語。語勘十
軍記。白鳥長久子云。寒河江主葉柴。作羽柴。勘十
郎。間室主佐木小四郎等十一人。併兵三百餘。右
之。盛氏附庸遠藤重經。亘理玄安。黑川五郎等兵二
百。與天童遺兵。總三千分作三隊。將來攻山形。信景
嘗報之。乞援。欲邀擊之於峻路。義光臣山邊太郎遣
刺客二人於宮城。請見將監。乘醉夜刺殺之。廻歷山
路。三日而歸。事發。其黨國人。或違依而不果。踰年盛
氏遭疾。無子。迎伊達正宗叔父宗重。爲妹婿。尋盛氏

歿。賴澄不得志。軍記。永慶。白鳥義國據谷地寨。掠畧郡邑。
與義光抗衡多年。遣使贈鷹馬於織田信長。自稱最
上郡主。請伐不順。以鎮平。信長引使者。謝贈遣歸。義
光傳聞而忿。憑東照宮。遣志村高治於安土。贈白鷹
及馬。月山作鏡。且齎家系圖。懇義國專恣。又貽馬於
宮。先是義光以僻遠。故不能述職。偏依賴宮。當是時。
適宮侍坐。爲說義光世系。信長始知斯波氏同種。遽
驚。召高治厚禮。自作書以酬焉。義光物語。國史實錄。義光欲攻
谷地。氏江尾張竊諫義光。謀遣高治。請曰。納義國女。
妻義光。適子義康。送戡干戈。義國應諾。送通吾門。他

十八

日使人謂曰。義光疾病。請欲依託後事於義國。義國
 悅來。訪義光疾。乃迎入。刺殺之。病床併殺從者。直督
 兵。侵入谷地鄉。而將畧寒河江。邑主葉栗勘十郎。勇
 猛有膂力。驅聚白鳥遺黨禦戰。每先登奮戰。或到中
 野。侵畧邑里。義光追躡。勘十退兵于新城。從兵將踰
 塹。塹經二間餘。一少年欲踰而不能。勘十腋下挾少
 年。杖眉尖刀。踊飛而抵深川。會河水逆流。野航皆在
 岸上。勘十輒提下之水。令眾載船。自從岸上。縱聲推
 下。躬亦飛載涉水。上岸而截流航。張屯以挑戰。義光
 將濟。急流且深。不戰而罷。與尾張議。再伏銃手於草

葦。渡水挑戰。詭退兵。勘十先登。追尾。伏起狙射。遂獲
 勘十。明日入寒河江。義光物語。小國城主細川三河守。天
 童賴澄舅也。謀復天童。義光遣兵攻平之。使藏增光
 基守小國城。更稱族小國。稱日向守。永慶軍記。幾志美作
 守據八沼城。抗衡。義光先衆力戰。躬自揮鑊棍。搏敵
 一騎。氏江尾張苦諫。自揮槍奮聲。薄城壁。美作乞降。
 致城。河西大半屬平。義光物語。初天正二年春。義守五十
 歲。讓軍國事於義光。義光繼箕裘。威武稍震。永慶軍記。義
 光陽追卻草刈備前守。備前葺莊內。倚賴武藤光安。
 祿仕三年。光安家人川越中務以其子故。稱疾幽居。

于其邑高坂。徵憚光安。莫問訊之者。特中務時往訪起居。竊議潛誘致諸士。從屬者多。載盟書以送山形。天正十年八月。義光起兵。先鋒已踰月山嶺。會松根黑川。光安率兵出城。隔水對陣。中務潛入城縱火。衆齊應之。俱合圍中軍。縱銃矢擊戰。義光先鋒本城豐前守涉水擊之。光安遂敗走。流箭來射光安左腿。自刃于馬上。義光厚賞備前。其餘賞賜有差。中務辭祿。入大和金峰山。剃髮而終。義光取大梵字城。爲創建光安寺于鴨浦。吊光安魂云。義光物語。十一年春。義守入道榮林。臥病衰老。伊達輝宗爲義光姊夫。夫妻偕來

看病。榮林召義光。及輝宗於牀下。誠曰。吾將赴黃壤。更無遺憾。唯憂歿後。子等恐矛盾矣。設令輝宗雖戰勝。不能爲最上之主。義光亦不可得奧地。親族迭彎弓。則隣國乘其弊。以親睦爲要。強莫懷異謀。無幾疾愈。永慶軍記。上山城主右馬頭滿兼。勇猛好武。爲義光姨婿。與義光有卻。戰爭不止。執事里見越後守。內藏助雄而有智。內藏仁慈懷民。每憂滿兼狠心。數諫。欲與義光令和。以保社稷。而不納。卻謀取山形。遣人乞援於輝宗。輝宗大悅。率兵三千來援。義光聞之。使伊良子宗牛。助成澤城主道忠爲協守。自督兵到柏木山。

以延澤信景為先驅。伏銃手於山陰。以為之備。輝宗使滿兼為先鋒。戰于松原。伏起。橫衝輝宗中軍。破之。得首三百八十餘級。輝宗敗走。義光物語○按永慶軍記作長碓式部大夫夫坂鳥輝宗婦人義光姊也。躬自入陣營。苦諫輝宗。收軍于米澤。使人來說義光。勸媾和再三。竟行成。永慶軍記、義光與氏江尾張。伊良子宗牛議。尾張屬下光物語。為僧在上山。乃召僧。授計策。招里見內藏助。民部兄弟。昭以利。僧歸見內藏。竊說之。內藏曰。最上仙臺和平成。上山孤立。城陷在旦夕。雖然遺奕世主君。脫身度後榮。非武士之道。唯欲死而已矣。僧往說民部。民

部曰。上山殆危。嘗諫滿兼。與義光行成。而不聽。我未得忘。僧以報尾張。宗牛以告義光。義光乃與銀于僧。殊手書以私招民部。令謀滿兼。民部應諾。乃遣矢桐相模守於上山。招內藏。以說諭。而不肯。刺殺之。是夜。入戕滿兼。城中狼狽。乞降者多。義光分部。索內藏妻孥。其妻懷兒。逃走仙臺。復欲報父讐。潛入山形。而不果。殺民部與黨數人。仕正宗。後適仕紀伊而終。義光物語
○永慶軍記云。義光與宿臣議。招里見越後守。昭以上山。且密謀弑。越後為人狼戾。應諾。需盟書。而與其子民部少輔。東市正。主水。掃部一族謀逆。招



內藏助諭之。內藏大怒。罵辱越後。越後殺內藏。是夜舉族六十人。竊入城。竟弑滿兼于寢室。城中多應之。奪城。義光悉割予滿兼采邑於里見一族。義光率兵攻佐佐木典膳於鮭延。累日。城中食竭。棄壁而走。壯者悔不追擊。義光曰。否。典膳年弱。他日我有所用。典膳走莊內。莊內滅而後。乞降。後稱鮭延。越前守云。義光物語伊達正宗因外戚之親。故每竭禮節。頃年止戰爭。義光嘗欲拓境土。正宗臣中野常陸竊謀不軌。義光乘虛欲奪長井莊。密招長井人鮎貝十郎。事不成而罷。與陽軍十三年。義光欲取酒田。尾浦城

主東禪寺右馬頭與中山玄蕃密議。請攻大山城。義光遣人俱圍攻之。武藤義興拏義勝遁走越後。殘兵禦死。或遁。右馬入城。玄蕃協守。十四年。頃間仙道之戰起。大碓亦亂。義光數誘鮎貝十郎。十郎應諾。浚隄。蓄器仗。五月。小野寺義道率兵五千。軍于河合。入口內。義光自督兵。次于山北境。長子義康支族滿茂。忠光。光陰。及延澤信景。光信等。步騎合一萬餘。軍于有屋在家。八日巳刻。接戰于有屋嶺。死者一千餘人。不利而罷。永慶軍記先是右馬頭與玄蕃領尾浦城。使役不慈。土民愀苦。數欲愬不果。役連署。乞救於上杉氏。

景勝使本城重長來伐之。義永慶軍記、右馬告急曰。我
兵敗績。敵拔薇野五十川。將圍大山。請急賜援兵。永慶
軍記、義光遣草岡虎之助。爲救援。虎之助到尾浦。陳玄
蕃。拏婦童。歸山形。重長攻尾浦。右馬虎之助邀戰于
十五里原。城中有內應敵者。縱火于牙城。二人奮怒。
虎之助戰死。右馬提一首。狙敵重長。而不果。爲衆所
殺。義光莊內三郡。終爲景勝之有。永慶軍記、義光駐義康
于有屋。自將五千餘騎。夜以繼日。十二日到莊內境。
聞右馬虎之助死。大怒。將進攻莊內。尾張扣轡諫止
回軍。義康再與山北兵戰。獲首五百餘級。義通置戍

而去。義康又使鮭延茂綱爲留戍而還。義光欲復莊
內。會關白秀吉下令固禁私鬪。故莊內屬景勝。十五
年所。迄慶長初。義光復有焉。永慶軍記、十五年三月。鮎貝
太郎永慶軍記、作藤太郎。自燬城。謀異圖。正宗率兵三千
伐之。太郎不能禦。踰山路來奔。軍祕錄、永慶軍記、
義光畀之食邑。自是而後益與正宗矛盾。聞正宗伐大碓。使義
康將兵八百赴援。次于篠谷驛。欲邀戰。過三月而不
到。回兵于山形。永慶軍記、頃間秀吉滋起。義光卽之。東照
宮又爲屢言之。秀吉厚優禮。義光德宮。自此每歲獻
駿馬及鷹。潘翰譜、十六年七月。義光聞正宗與佐竹。



野史 卷之六十五

岩城對陣于安積郡。仙道之戰。盡有利。威武甚揚。義光與宿臣議。憑正宗母氏行成。軍記。義光欲伐山北。小野寺義通出。入口內防禦。義光使鮭延茂綱守。鮭登城。丹與三左衛門義光物語作丹野與三右衛門守金山城。以為之備。頃年山北一族。屬下。衆心不定。爭地貪利。干戈不謐。義光使清水義成。楯岡滿茂為部將。延澤光信等步騎一千餘。十七年八月。次于金山。義道募兵於管內。本堂。楯岡六郎。金澤等未悉到。使族小五郎先發。至入口內。兵會者僅五十人。與入口內定冬商議。與山左衛門懼走。定冬猶不撓。斷有屋嶺路。伐木作

柵。以為禦備。山形前鋒鮭延茂綱揮麾先登。山北兵敗走。追躡入山北。可三里。定冬與兵二人拒戰而死。山形兵進入中村。敵管內記防戰于草井嶺。死之。義成前軍到于雄勝。小野莊。御返事。三郎據險拒戰。又奮鬪而死。屠其寨。圍小笠原高恒于合川城。踰間路。縱火掩擊。高恒等皆死。城陷。茂綱諫義成。回兵。永慶軍記。十八年。秀吉伐小田原。義光赴行營。東照宮遣使。迎酒匂川。懶勞。與盛衰記、
○永慶軍記云。是時義光丁哀使。最上內匠助。山野邊右衛門尉屬前田利家而發。

野史 卷之六十五 二十四

十九年正月。任待從。叙從四位下。系圖最。是秋九戶
政實作亂。東照宮帥師抵信夫郡大森。義光赴行營。
携次男家親。而往見焉。家傳、藩羽柴秀次為追討使。
巡視衣川。關山故跡。而過山形。義光迎接。秀次淹留。
義光令女子給事。女有殊色。秀次悅寵之。携還京師。
藩、翰文祿元年。從那古耶行營。迄明年四月。家傳、四年
秋。秀次之敗。諸姬悉盡被殺。義光具狀乞哀免。弗聽。
併瘞尸於畜墳。義光怨。藩、翰秀次亡。而義光。正宗並
為秀吉見疑。會有飛書。秀吉召二人視之。宿疑冰解。
賜贖於義光。吊冤死。召仕正宗子秀宗。官為歎謝。義

光悅。日。夜。思。服。官為以下至是二人親昵如故。屢陪
連歌茶會。秋田實季亦從焉。自秀次亡而後。義光意
輕蔑秀吉。就國專恣。攻略國郡復亂。山北。秋田亦搖
于戈。爭戰滋起。是歲義光圍山北。土豪來歸者多。攻
湯澤城。拔之。取河熊。植田。南部倉。新田目。今泉。岩碕
等諸寨。使原田大膳守岩碕。小野寺義道怒攻之。六
鄉政乘嘗通義光。急起擊義道。義道敗而去。義光聞
岩碕之捷。厚賞大膳。使楠岡滿茂。修補湯澤城。備山
北。慶長元年二月。義道將攻湯澤。滿茂乞援。義光使
長瀨光忠。北國光基等兵三百餘赴救。滿茂謀。使西



馬音內。山田。松岡。柳田。深堀等。新附五人。出兵。侵伐。由利大森。分兵。壓諸口。自率兵七百。陣于前森。而與義道。大戰于大島野。不決而罷。四月。滿茂攻馬倉。拔之。義光使義成及光忠等兵三千攻稻庭。川連。三梨城。義成攻稻庭。滿茂攻川連。鮭延茂綱攻三梨。皆拔之。滿茂取雄勝。平鹿內百八十餘鄉。構湯澤城。因秀吉命。召奧羽二州將士。戰爭少止。永慶軍記。閏七月。伏見地大震。人心動搖。衆爭登城。特義光鞭裸馬。走到宮館。謂曰。世變如此。衆心叵測。請勿出。設令雖有變。臣侍莫以爲憂。而後秀吉親點茶享宮。異說復起。義光

馳進。耳語官曰。竊聞是會有異圖。君宜備。臣有所思。請辭去。宮諾而出。途執義光守。謝厚誼。相別而去。家譜。秀吉薨而後。景勝就國。三成謀亂。與景勝通謀。藩翰譜。迄庚子年。景勝矯秀賴命。以鄙詞。哈義光。義光與老臣議。山野邊義忠曰。稱幼君命。景勝及奉行等發兵。諸侯莫拒命者。請速應焉。鮭延茂綱曰。臣案奉行等佞奸。猜忌內府威權。抗君命起兵也。內府天授良將。人心靡服。應景勝。君恐不可矣。義光曰。我於景勝也。宿憾不眇。內府信義。臣背。欲殺景勝使者。而舉兵襲會津也。茂綱諫曰。景勝者山東第二雄藩。左袒者亦

多矣。叨冒敵地。似無謀。請俟時月。察機發兵上策也。義光領之。陽善報之。景勝悅。貽金銀及馬。義光欲卻之。本莊豐前曰。卻之。則恐生疑矣。唯宜安彼心。遣使于內府。以告狀。乘其隙。修我城郭。整我兵馬。散金銀。施士民。悅衆心。是得人和也。不然。則謀恐不成矣。義光可之。受其幣。頌士民。景勝喜。滋輸軍資。義光物語、國史實錄、馳人以報官。藩翰譜、大陰移于檄四隣。圖進取。南部利真兵三千。或作五千。秋田實季兵二千。小野寺義道。義光物語、家傳、戶澤政盛。永慶軍記、並兵八百。本堂茂雅。並不載。六鄉政乘。并兵三百。仁加保勝。援兵一百八十。赤尾

津孫二郎兵二百。小笠原朝繁。義光物語、打越宮內少輔。物語作內越孫次。瀧澤又五郎。物語作瀧澤人。芹田與兵衛。石澤三郎。沓澤三郎。根井。瀉保。鮎川。子吉。小介川。物語不載。等兵總一萬一千一百餘。皆來會。連署以見義光。而軍議。義光曰。米澤嶮。不可輒入。分作二隊。我督一隊。使利直為先降。由間路。其一義康為將。引率國人。自上山。踰山路。襲敵不意。以伐焉。乃發。併師二萬四千一百餘。物語作七千人。將入米澤口。會巷說。上國蜂起。伏見陷。南部利直聞。邑內土寇起。大迫城陷。遠驚。不告而去。諸將亦聞三成

與_二畿西大軍_一繼發。秋田山北。戶澤六鄉。本堂由利黨皆引去。義永慶軍記。延澤信景。鮭延茂綱等。請追擊之。義光制止。義光物語。當是時。丹與三左衛門守山北境金山城。頃間見諸將引去。鎖關門。斷通路。遣人抑留之。以報山形。利直兵或謂毀門而去。利直制止。淹留三日。義光傳命悉令引去。義永慶軍記。
○中興武家盛衰記云。金山守以聞。義光曰。反內府者。皆敵也。率兵而發。利直等聞之。驚送盟書以謝。義光乃罷。利直等皆去。
九月。景勝初聞。義光答。緩守備。至是諸城館主群集。

山形初怒。以為見誑。待東照宮之西。欲釋憾於義光。使直江兼繼為部將。發師入國。颯言曰。盡敵而回。義光聞之。構寨二十五所。自上山達幡谷。或作畑谷。謂家親曰。頃聞景勝舉兵入境。我亦竭力捍禦。不能則唯死耳。汝如大碕。乞援於正宗。彼母者我姊。於女為族父。我往日因鮎貝太郎事。與彼生隙。雖不可聽。彼嘗左袒東師。憚他日必來救矣。設令我雖死。女保生。以可繼家。父子同死者不孝也。自把盃相盟。而後發。家親如大碕。見正宗曰。方今受內府命起兵。由米澤口。將襲會津。石治部揭逆旗。拔伏見先鋒已到。美濃內。



府西還。景勝乘弊。令直江山城兵四萬來寇。部下預雖設禦備嚴戒。寡不敵衆。危在旦夕。與卿骨肉。不可離畔。戰爭數年。實非我志。如今山城屠我山形。使下湯原。而襲岩手澤。則得隴而望蜀之勢。不可遏矣。諺所謂。唇亡而齒寒之患也。冀舍舊怨。以策新功。則外對關東之忠。內援姻親之義。名實共得全矣。今不救弊邑。令山城蹂躪封域。則他日何面目得見內府耶。正宗熟慮聽命。令家親先歸。而使伊達成實。津田豐前守兵四千先發。親自又率步騎一萬五千。十五日。到文田藉陣。會津軍記、逸史。先是兼續攻幡谷。守將江口五

兵衛拒戰而死。義光遣矢桐相摸。飯田播磨赴救。途聞城邑陷。播磨奮鬪而歿。相摸力戰。携婦童而歸。義光津軍記、會津。兼續進取二十一寨。軍于須賀澤山。攻長谷堂。義光率精兵二萬後援。屯稻荷山。兼續先鋒春日左衛門。進陣于山址。將薄城。是夜城兵出掩擊。獲首一百五十五級。十八日。左衛門再督兵七千。附竹束於城下。拔柵伐亂株。自屯阜上。縱巨熾五臺射。大樹碎裂。餘丸中櫓毀壁。二間餘響轟如百雷震動。城中士女驚愕哀泣。敵鼓譟進。毀羅門而入。守將志村高治。及鮭延茂綱。率逞兵三百。屢出防戰。死傷相當。敵



卷一百六十五

退六十步。伏秘而挑。敵士隊長朽木木工助。率兵七百。衝擊高治。高治為辟易。木工乘勝而進。茂綱邀戰。木工傷斃。兼續慚忿。進兵令上泉通治永慶軍記、先驅。代左衛門戰。是日自未刻。終宵接戰。迨黎明。猶未決。兼續令色部安長等部兵擊圍。據阜陵。縱射銃數百。茂綱及東根常陸介。自後門出拒擊。新開備前守死之。遂為被壞。後門羅郭。直續駐軍。分隊縱火。侵剽會津軍記、中歷日。興盛衰記、中
○永慶軍記云。會津稗將下治右衛門率兵三千。侵掠村上地。而拔谷地古館。事聞山形。里見越後

守上山。志村伊豆守長谷堂及入沼。谷池等土人結黨。欲侵谷地。接戰連日。山形震懼。義光乞救于正宗。正宗使伊達壹岐。遠藤彌兵衛兵一千來援。九月十三日。至山形。景勝加兵。十六日。兼續等攻長谷堂。志村伊豆捍禦。是夜。出兵斫春日左衛門陣。縱火亂擊。死傷者多。左衛門僅免。繼延茂綱為後拒。率四十五騎。與兼續戰。被傷殆危。烏海信通殿而死。茂綱免入城。兼續追躡。伊豆固備。兼續引兵去。按義光物語。粗與之同。
景勝又遣中村式部兵四千。攻上山。義光嘗使里見

新史 卷一百六十五 三十一

野井、今從義光物語、東率兵分部。侵掠中山口。與上山。中路險難。篠芽生茂。壑崖岨立。俗呼曰川口。初義員令草刈志摩率精兵七百。伏于此。會津兵分隊掠畧田園。嚴布法令。作三隊。二隊芟茂。則一隊爲之監守。進來三里許。偪上山。兼續重分兵三千援之。義員父子出城禦備。義光又遣坂上紀伊守率兵三千赴援。敵前隊造酒性剛強。督兵先登。砲矢已接。自辰至午。彌七郎陣沒。義貞察機。翻赤旂于川口谷際。覆齊起五處。連銃雨注。敵兵爲敗。兼續中軍戰罷。隊伍亂

義重爲之守。兼續使稻村造酒允。椎野彌七郎永慶軍記野井、今從義光物語、東率兵分部。侵掠中山口。與上山。中路險難。篠芽生茂。壑崖岨立。俗呼曰川口。初義員令草刈志摩率精兵七百。伏于此。會津兵分隊掠畧田園。嚴布法令。作三隊。二隊芟茂。則一隊爲之監守。進來三里許。偪上山。兼續重分兵三千援之。義員父子出城禦備。義光又遣坂上紀伊守率兵三千赴援。敵前隊造酒性剛強。督兵先登。砲矢已接。自辰至午。彌七郎陣沒。義貞察機。翻赤旂于川口谷際。覆齊起五處。連銃雨注。敵兵爲敗。兼續中軍戰罷。隊伍亂

駟。墮崖死傷者多。迄日暮。兼續整旅仗秘對抗。義員揮麾進陣頭。勵敵。敵縱銃狙射。義員下騎力戰。造酒鳴鼓死戰。城兵長坂彌五兵衛或作坂彌、舞槍刺造酒。截之。殘兵潰走。中山敵自十二日。迄十七日。薄上山。義員防禦不屈。會津隊長岩井備中守或作石見、又平岡石見守等多戰死。獲首六百八十三級。敵聞正宗來援。固備。縱橫山野。侵掠村里。攻伐殆無虛日。諸寨多陷。存者唯長谷堂。寒河江。上山。山形四城耳。會津軍記、二十四日。兼續發斥候二隊。分其一。縱火於長谷堂城下。一隊覘湖。城中兵八百。踰湖水挑戰。迭相進。接鋒刃。

兼續志。遣使制止。事發急迫。銃矢既結不解。兼續使
上泉通治止戰。通治以部兵二十許人馳至。其餘部
下未發。宇佐美民部奮曰。如今不從隊長。如後日何。
乃與高濱彈正。蓼沼日向守競進。通治下騎把槍。欲
令斥候隊退。城兵富南相摸等兵三百跳出。加先隊。
追躡兼續軍。正宗援將伊達成實等精兵七百。橫擊
之。兼續當前左力戰。通治等奮勵士卒。死者數百。相
戰半刻許。通治猶未退。兼續使督軍杉原親憲諭通
治收兵。通治唯諾。獨進遂戰死。或作通治死於十日長谷堂之戰。先
隊敗。兵士多斃。骸尸溢路。會津士宇佐美民部股

沼大學等下騎。橫秘而揚兵。正宗援軍至隱石。追尾
而止。二十五日。兼續發兵三千。攻長谷堂。縱火於櫓。
寒河江城兵。遙望烟來救。兼續將退。城兵追躡。親憲
邀戰。正宗亦來擊。兼續自督兵據阜上。連發種子銃。
拒正宗軍。迨二十八日。兼續屢出兵。與戰得利。是日。
將攻東根城。當日亭午。關原敗問至。兼續自燬陣營。
收軍而去。義光。正宗與城兵追躡。兼續據險戰且退。
於是義光攻諸城寨。皆下之。獲斬虜一千六百餘。

○義光物語云。九月二十五日。兼續至長谷堂。距
敵五十町。布陣。迨關原捷報至。義光傳令募嚴。望

敵陣縱火引去。會津裨將杉原常陸、溝口左馬助爲殿。追至。接戰破之。追至長井境。斬獲一千餘。明日十月朔。兼續屯山址。備銃手。將引去。義光督兵追尾。先軍頗沮。義康隔峯。聞軍不利。下騎徒步馳驅擊敵。長谷堂援勢北國大膳。谷地伯耆等廻嶺。將斷敵後路。義光得機進戰。敵兵墜崖谷。死傷者多。兼續自把槍邀擊。引兵而去。是日。義光所獲首一千五百八十餘級。○永慶軍記云。二十五日。義光與義康。及正宗援將。併師一萬七千餘。與兼續抗于長谷堂。迨晦酉刻。宮飛檄至。報關原之捷。是

夜。兼續引兵去。追躡之。兼續反戰。黑暗不決。據山腹而已。明。烟霧濛濛。不辨咫尺。義光左右多脫出。追敵。旗隊兵疎。兼續狙虛。縱銃急來擊。義光勵力禦戰。義康聞急。率屬下來力戰。被傷。部下亦來援。兼續察叵克。收兵。斬首六百二十三。兼續所獲首一千五百餘級。

下康久攻谷地。守將谷地大學等十七人自殺。城陷。康久據其城。谷地伯耆寒河江肥前合謀攻之。累日不拔。志村高治遣人諭康久下之。永慶軍記。出羽。田河。飽海二郡。頃年爲本城重長所奪。義光悔憤。乘弊欲復。

之。六年四月。藩翰譜、遣義成。永慶軍記作遣義成、康及
楯岡甲斐守。永慶軍記作里見越後、莊內等兵八千。
徇川北。隔酒田川布陣。使東根源五等兵二千。壓大
山大梵字。陣于梵字川上。湯澤滿茂率山北兵。攻酒
田城。上杉氏士川村兵藏。志村修理出城禦戰。下康
久舉族兵五百餘。索野航。先渡酒田川。與敵戰。義成
亦踰水而進。部下皆涉。進圍城。守將勢屈棄城而走。
○按最上家傳云、獲兵藏修理等首三百餘級、義成下令。進攻大梵字城。拔
之。大山城望風而潰。是時所獲小國。鼠關。風川。清水。
水股。田川等四十餘寨。不歷旬日盡平。予酒田城。及

食邑三萬石于志村高治。尾浦城于下康久。改酒田
名龜碕。以大梵字為鶴岡。以為老休之地。其餘賞賜
有差。永慶軍記、莊內八月遣人于陸奥。檢量郡邑。定正
宗封境。如故。國史、實錄、於是東照宮賞義光功。益封莊內
三郡。實錄、藩翰譜、七年五月。秋田。戶澤。赤尾津。仁加保等。
因庚子秋愆期之罪。徙采邑。悉賜由利一圓于義光。
義光十二年正月。義光傳令於部下曰。期初夏。欲揃
馬於天堂原。不論秩祿高下。嗜騎者盡來會之。本城
堂前等守境城者。及鶴岡。龜碕。寒河江等守者。莫出。
其他欲會者。曾來列點行。迄期日。衆爭盡美。悉至天



堂原遠近士民競來觀望。義光往將及期。遂下令而止。歸城。蓋是日會者三千七百二十七騎。或風說近國密遣間諜探知其具。故義光不盡觀而止。義光物語山形軍十六年家傳作三月。叙從四位上。任左近衛權少將。兼出羽守。系圖、藩十八年夏。義光疾日病。遂謂我承前幕下恩惠久矣。欲赴駿府謝。而後即世。老臣固諫不聽。九月。興疾。遂如駿府。東照宮嘉獎篤志。命赦乘輿入殿門。賜藥及物。令適東府。台德公亦慰勞。儀准駿府。而賜暇。十月。就國。藩翰譜、中十九年正月撰御大坂日記附錄。卒。六十九歲。家傳、藩法名玉山白公。號

光禪寺。家系圖、傳義光性寬柔。不報無道。勇而不邪。氏江尾張善執家事。忠兼義。有智畧。志村九郎兵衛至剛雄武。有辯才。挫人。永慶軍記義光有六子。長義康。次家親。次義式。稱大藏大輔。族清水。次義忠。稱右衛門大夫。族山野邊。因為庶出。殊族。竊謀奪嫡。而不果。竟亾。奕世家國。因所緣。屬威公子賴房。寬永十年。賜生瀨陸常郡。久慈邑一萬石。後號道慶。二男義堅嗣。叙爵。稱土佐守。子孫仕水戶。家傳、中興次光廣。稱兵部大輔。族上山。居上山城。宗家之難。幽于筑前。季光隆。稱治部大輔。族大山。居大山城。文和九年六月。自殺于廣島。家傳

義康稱修理大夫。慈仁雄武。與羽戰爭之際。從父有功。嬖倖原八左衛門與義光嬖臣里見權兵衛密謀弑義光父子。八左竊謂義康曰。太公竊議欲讓家國於家親。義康初不信。膚受之愆。累日不熄。義康意稍惑。權兵又數讒間之。義光亦弗聽。一日義康遊光明院。醺飲終日。與左右戲。佩刀自挺傷左股。或譖義光曰。世子悲讓國之遲。將自刃。臣等阻撓而傷。義光意初搖。遂啓猜忌之端。而義光見東照宮。宮問國務。荅曰。嫡子不孝。宮愕然。問其故。且曰。廢嫡而後。如其嗣何。曰。以家親耳。宮領可。尋義光就國。遣人召義

康。義康直赴。請見。弗聽。命往高野。義光物語作往上山。義康拜命。僅與從者十三人。將往高野山。義光嘗令戶井半右衛門要之路。縱銃狙射義康。中臍下。墮騎。欲起而不能。悲憤曰。莫過而遇害。讒間之所爲矣耳。設令雖死。必爲之報。即割腹而終。從者奮鬪殲焉。實慶長八年八月十六日也。尋義光遣人探義康居室。得罰文數通。慚悔慟哭。捕權兵。入左。禁錮之。權兵衛者。越後孫。民部之子也。越後悲。挈孥去國。歷加賀往越前。而求仕。義光遣使阻之。去登高野山。追捕之。殺戮夷其族。藩翰譜最上慶長十九年十月。索得大坂謀狀。遣

人殺義成。藩翰譜、盛衰記、

○逸史云。義成以其邑清水。應大坂募。元和元年十月發覺。命家親討其罪。家親發兵圍殲焉。

家親。本名義親。小字太郎四郎。改左馬助。天正十九年九月。兵起。時甫十歲。從父見東照宮。文祿三年正月。家傳作八月。元服。賜諱字。稱今名。叙爵。稱駿河守。藩翰譜、武

家補任。慶長十年四月。叙從四位下。任侍從。家傳補任。父卒襲封。大坂兵起。守衛東府。元和三年三月卒。歲三十六。

家譜、御選大坂日記。子義俊嗣。義俊或作俊字源五郎。父卒繼封。時甫十二歲。殊命老臣。綏治封境。家傳、盛衰記。元和五年

福島正則。有罪國除。台德公命義俊鎮正則府下邸。

義俊受命于營中。徑馳至。頌家人。圍繞邸邊。鎮衛。公感童智敏捷。賞賜長光刀。盛衰記。初父家親田獵。楯岡

義久享之私第。席上發疾而歸。明日終卒。蓋老臣鮭延茂綱與義久竊謀。欲鳩家親而立義忠也。松根備

前憂懣。愬之東府。命令根問。事未明決。備前坐誣。流于柳河。而使島田彈正。米津由政到最上。傳命於諸

老。扶翼幼主。義忠。茂綱固辭。而請去國。事聞東府。臣庶各懷危懼。衆心恟恟。命檢覈衆言。區別更不決。或

多遁去。八年五月。坐義俊年弱。家事不正。叵保樞要。



之地。終除封。俟成長。遷義俊于近江。更賜近江三河田一萬石。藩翰譜、莊內物語

○最上家傳云。決老臣罪。幽之。殊命諸老保護。諸老又憚忌。結黨。請府命。以定國老。義俊年幼。屬下樹黨。或潛通山形城。不決。八月。府命曰。山形城者。為奧羽鎮護。而臣屬結黨。不協和。難耐重鎮。須俟義俊成長。收山形城及封邑。他日迄。義俊自執國事。復封焉。封內城寨乃山形。上山氏家。長谷堂。寒河江。山邊。由利。白石。長碕。楯岡。東根。鮭延。野邊。澤清水。飯田。高楯。當並。若木。畠屋。午房。野火山。馬揃。

鶴岡。龜碕等二十餘處云。家臣自邑秩四萬五千石以下。喪祿者九百二十九人。

義俊左遷而後。憂苦成疾。寬永八年十二月藩翰譜作八月卒。歲二十六。家傳、武家譜子義智。生僅二歲。復命削祿邑之半。賜家督。義智小字仙德丸。改刑部。元祿八年冬。列高家。叙從五位下。任侍從兼駿河守。子義雅。義雅子義加相嗣。世列交代寄合。子孫居大森。在近江蒲生郡仕幕府。





野史卷一百六十五終



野史卷一百六十五終

